

保嬰撮要卷之五

薛氏醫按

吳郡薛鎧集

薛

已驗

江

都

吳中珩校

鶴膝行遲

錢仲陽云鶴膝者乃直受腎虛血氣不充致肌肉瘦薄骨節呈露如鶴之膝也行遲者亦因稟受肝腎氣虛肝主筋腎主骨肝藏血腎藏精血不足則筋不榮精不足則骨不立故不能行也鶴膝用六味地黃丸加鹿茸以補其血氣血氣既充則其肌肉自生行遲用地黃丸加牛膝五加皮鹿茸以補其精血精血既

足則其筋骨自堅凡此皆肝腎之虛也虛而熱者用六味地黄丸虛而寒者用八味丸若手拳攣者用薏苡仁丸足拳攣者用海桐皮散脾胃虧損腎臟虛弱寒邪所乘而膝漸腫者佐以補中益氣湯及大防風湯

治驗

一小兒體瘦腿細不能行齒不堅髮不茂屬足二陰經虛也用六味丸補中益氣湯服年餘諸症悉愈

一小兒六歲面色眊白眼白睛多久患下痢忽聲

音不亮腿足無力先用四神丸止其痢後用地黃  
丸加牛膝五加皮鹿茸補其腎兩月餘漸能行半  
載後其聲響亮後停食另用消食丸連瀉五七次  
去後益類五更侵晨爲甚聲音復瘖步履復難而  
腿足作痛仍服前丸兼補中益氣湯而愈  
一小兒七歲左腿自膝下至脛細小行步無力用  
地黃丸加鹿茸五味子牛膝爲主佐以補中益氣  
湯半載腿膝漸強而能步畢姻後其腿內熱足心  
如炙唾痰口渴余謂當補脾腎不信另用滋陰丸  
痰熱益甚服四物黃栢知母之類飲食日少服二

陳青皮枳殼之類胸滿吐血服犀角地黄湯唾血  
不時大便頻數復請視仍泥實火余辭不能治恪  
服犀角地黄湯而唾血益甚不時發熱後復懇治  
余曰兩足心熱唾痰口乾腎虛水泛也飲食少思  
胸膈痞滿唾血不止脾虛失攝也晝發夜伏夜作  
晝止不時而熱無根虛火也遂用四君子及八珍  
湯地黄丸間服而愈

四神丸治脾虛胃弱大便不實飲食不思或泄利腹

痛等症

方見驚瀉

苡薏仁丸治稟受肝氣怯弱致兩膝攣縮兩手伸展

無力

常歸焙

秦艽

薏苡仁

酸棗仁

防己

羌活各一兩

右為末煉蜜丸雞豆大每服一丸麝香荆芥湯下

海桐皮散治稟受腎氣不足血氣未榮脚指拳縮不

能伸展

海桐皮

牡丹皮

當歸酒浸

熟地黃

牛膝

酒浸各一兩

山茱萸

補骨脂

各五錢

木

二日

木瓜

右為末每服一錢葱白煎湯食前服

五加皮散治四五歲不能行

真五加皮

川牛膝 酒浸二日

木瓜乾 各等分

右為末每服二錢空心米湯調下一日二服服後

再相好酒半盞與兒飲之仍量兒大小

益氣養榮湯治氣血損傷四肢頸項等處患腫不問

軟硬赤白痛否日晡發熱或潰而不斂者並宜服

之

人參

茯苓

陳皮

貝母

香附

當歸 酒拌

川芎

黃芪 鹽水拌炒

熟地黃 酒拌

芍藥

炒各五分

甘草

炙

桔梗

炒

柴胡

各三分

白朮

炒一錢

右薑水煎服大人倍用

八珍湯

即四君四物二湯四物見急驚四君見內鈞

四神丸

方見驚瀉

六味丸

八味丸

即六味丸加肉桂附子二方見腎臟

消食丸

方見嘔吐乳

補中益氣湯

方見虛癆

大防風湯

方見鶴膝癱

四君子湯 方見內鈔

齒遲

經云齒者腎之標骨之餘也小兒稟受腎氣不足腎主骨髓虛則髓脉不充腎氣不能上營故齒遲也用  
地黃丸主之

治驗

一小兒三歲言步未能齒髮尤少體瘦艱立發熱作渴服肥兒丸不應余曰此腎虛疳症也蓋肥兒丸脾胃經之藥久服則腎益虛其疳益甚不信牙髮漸落余用地黃丸加鹿茸五味子半載而元氣



壯健

一小兒體瘦腿細行步艱辛齒不堅固髮稀短少  
用六味地黃丸補中益氣湯年餘諸症悉愈形體

壯實

芎藭散治齒生遲或齒嚼物少力

芎藭

生地黃

山藥

當歸

芍藥

甘草

各等分

右各另為末每服二錢白湯調

地黃丸

方見腎臟

補中益氣湯

方見虛羸

咬牙

夫齒屬足少陰腎經牙牀屬手足陽明經小兒寤寐不時咬牙其所致之經不同或本於心經之熱或本於肝經之熱或本於脾肺腎經之熱若發熱飲水叫哭而搐者心經實熱也睡困驚悸合面而臥者心經虛熱也面青目劄呵欠項強煩悶者肝經實熱也手尋衣領及亂捻物者肝經虛熱也發搐目青面赤肝經風熱也煩悶喘促見於申酉時者肺經熱也胸滿氣急喘嗽上氣肺感風寒也見於亥子丑時者腎經熱也眼目畏明及無睛光或解顱下竄胎稟腎虛也

飲水口中氣熱胃經實熱也飲湯口中氣冷胃經虛  
熱也發搐呵欠面黃脾虛發驚也心經實熱用瀉心  
湯虛熱用導赤散肝經實熱先用柴胡清肝散治肝  
火後用六味丸生肝血肝經風熱亦用前藥虛熱則  
用六味丸肺經實熱用瀉白散虛熱用保肺湯腎經  
實熱用六味丸減茱萸二兩以生地易熟地虛用地  
黃丸胃經實熱用瀉黃散虛用異功散脾虛發驚用  
五味異功散若乳母多食膏粱厚味致兒咬牙者用

清胃散

治驗

一小兒七歲素喜食甘味兩手發熱夜睡咬牙用瀉黃散而愈後不守戒仍作用大黃等藥前症益甚更滯頤弄舌手足冷余謂此脾胃復傷而虛甚也用六君子加柴胡升麻治之漸愈又用五味異功散加柴胡升麻而痊

一小兒面素痿黃或時變青飲食過多睡而咬牙服剋伐之劑口舌生瘡大便泄青發搐痰盛唇青手冷用六君加木香柴胡升麻數劑而安但飲食後腹膨作噎用四君子湯爲細末不時煨薑湯調服少許月餘而痊

一小兒十五歲盜汗面赤睡中咬牙自服清胃散  
前症益甚更遠精晡熱口乾倦怠余用六味地黃  
丸補中益氣湯而痊

一小兒十四歲素食膏粱灸燻睡中咬牙此脾胃  
積熱先用清胃散及二陳黃連山查犀角各數劑  
間服補中益氣湯而愈

一女子十四歲發熱作渴月經先期睡中咬牙此  
肝脾二經虛熱也用加味道遙散而安後因怒前  
症俱作用柴胡梔子散而痊

一小兒夜間咬牙或盜汗或便血審其母懷抱鬱

結又蒸便血用加味歸脾湯加味逍遙散與母煎服其子亦愈

一小兒因母食膏粱醇酒睡中咬牙或時鼻衄右腮鼻準色赤先用加味清胃散加味逍遙散與母服兒亦愈

一小兒病後不語睡中咬牙驚悸飲水困倦少食用化痰鎮驚等藥益甚余謂屬心脾腎陰虛用六味地黃丸爲主佐以五味異功散秘旨安神丸諸症頓愈

一小兒感冒風邪咳嗽喘逆不寐咬牙右腮色赤

此肺經客熱用潔古黃芪湯一劑而痊後因停食  
腹脹咳嗽鼻塞咬牙用六君子湯加桔梗桑皮杏  
仁一劑而愈

一小兒咬牙審知因母大怒先用小柴胡湯加山  
梔牡丹皮治之母子並愈

潔古黃芪湯

人參

黃芪

茯苓

白朮

芍藥

乾薑

陳皮

藿香

各一錢  
各五分

右水煎服

保肺湯 方見傷風咳嗽

柴胡梔子散

柴胡清肝散 二方見發熱

補中益氣湯 方見虛羸

小柴胡湯 方見瘧症

二陳湯 方見寒吐

瀉黃散 方見脾臟

瀉心湯

導赤散

秘旨安神丸 三方見心臆



瀉白散 方見肺臟

地黃丸 方見腎臟

六君子湯

歸脾湯

四君子湯

加味逍遙散

清胃散

異功散 六方見內鈞

語遲

錢氏云心之聲為言小兒四五歲不能言者由姪母

卒有驚動邪乘兒心致心氣不足故不能言也有稟  
父腎氣不足而言遲者有乳母五火遺熱閉塞氣道  
者有病後津液內亡會厭乾涸者亦有脾胃虛弱清  
氣不升而言遲者心氣不足用萸蒲丸腎氣不足用  
羚羊角丸閉塞氣道用加味逍遙散津液內亡用七  
味白朮散脾胃虛弱用補中益氣湯

治驗

一小兒言遲泄瀉聲音不亮雜用分利清熱等劑  
喉音如啞飲食少思朝用地黃丸加五味子夕用  
補中益氣湯其瀉漸止遂專服前丸兩月喉音潤

響

一小兒白睛多瀉後喉瘖口渴兼吐大便不實朝  
夕服地黃丸而痊後患瀉喉復瘖仍服前丸而愈  
此皆稟賦腎氣不足故用是藥

一小兒五歲不能言咸以為廢人矣但其形色悉  
屬肺腎不足遂用六味地黃丸加五味子鹿茸及  
補中益氣湯加五味子兩月餘形氣漸健將半載  
能發一二言至年許始音聲如常

菖蒲丸治心虛語遲

石菖蒲

丹參

各一錢

赤石脂

三錢

人參 半兩

天門冬 去心焙一錢

右為末煉蜜丸麻子大食後溫水服三十九

羚羊角丸治行遲

羚羊角 鎊

虎脛骨 醋炙黃

生地黄 焙

酸棗仁

白茯苓 各五錢

肉桂

防風

當歸

黃芪 各二錢半

右為末煉蜜成劑每服一皂子大白湯化下

七味白朮散 方見腹痛

補中益氣湯 方見虛羸

六味地黃丸 方見腎臟

加味逍遙散 方見內鈞

瘖

經云舌者音聲之機也 疾者音聲之關也 小兒卒然  
無音者乃寒氣客于會厭則厭不能發發不能不致  
其門闔不致故無音也 若咽喉音聲如故而舌不能  
轉運言語則爲舌瘖此乃風冷之邪客於脾之絡或  
中於舌下廉泉穴所致也 蓋舌乃心之苗心發聲爲  
言風邪阻塞其經絡故言不能轉運也 若舌不能轉  
運言語而喉中聲嘶者則爲喉瘖此亦爲風冷所客  
使氣道不通故聲不得發而喉無音也 然或風痰阻

塞或因心經氣虛或因脾之脉絡受風或因風痰滯  
於脾之絡或因脾氣不足或胃中清氣不升皆足以  
致瘖大抵此症亦有稟父腎氣不足不能言者有乳  
母五志之火遺兒薰閉清道不能言者或兒病津液  
耗損會厭乾涸不能言者或腎氣不充虛火上炎傷  
肺不能言者有驚風中風不能言者若遺熱與津液  
耗者用七味白朮散清氣不升者用補中益氣湯稟  
腎不足與虛火傷肺者用六味地黃丸若仰首咳嗽  
肢體羸瘦目白睛多或燕解顛呵欠咬牙等症悉屬  
腎虛非用地黃丸不能救也

治驗

一 小兒面色目睛多白兩足脛常熱所患之症悉屬腎虛畢姻後唾痰口乾頭運久瀉忽然失音先君云此亦腎虛也用補中益氣湯八味四神二丸補之尋愈

一 小兒亦面色目睛多白大便頻泄侵晨作瀉肌體骨立食少唾痰先君謂腎氣不足之故不信後加頭運聲痞足脛逆冷復請治仍欲祛痰又云頭運聲痞中氣不能上升也足脛逆冷陽氣不能充達也遂用補中益氣湯及四神八味二丸以補命

門之火而愈

一 小兒患泄瀉聲音不亮雜用清熱等劑聲音如  
瘕飲食少思去後多在侵晨朝用地黃丸加五味  
子夕用補中益氣湯其泄頓止却專服前丸不兩  
月聲亮而愈

一 小兒目睛白多黑少吐瀉後喉瘖口渴大便不  
實朝夕悉服地黃丸而痊後患瀉其喉復瘖仍服  
前丸遂愈

一 小兒十一歲形羸骨立面皎口乾白睛多而黑  
睛少不能頓言用六神地黃丸補中益氣湯其形



漸充年餘而能言

一 小兒解顛不言其形屬腎虛而蒸疳疔先用  
味地黃丸以補腎水又用補中益氣湯以補肺金  
半載漸愈年餘疳病痊而能言

一 小兒喉音不亮至十九歲咽仍不響面色赤白  
睛多畏明畢姻後頭覺脹視物皆大作渴飲冷亦  
用前一藥喜其遠幃幙戒厚味二年諸症悉愈其  
聲響亮

世傳通關散治驚風愈後聲啞不能言者以大南星  
一個炮爲末每服二分猪膽汁調下便能言語

治嬰茯苓補心湯治心氣不足善悲愁怒衄血面黃  
五心煩熱或咽喉痛舌本作強

茯苓 四錢

桂心

甘草 炒各三分

紫石英 煨

人參 各一錢

大棗 二枚

麥門冬 去心

右水煎服

導痰湯

半夏

南星

茯苓

陳皮 炒

枳實 炒

甘草 炒

右薑水煎服

防風散治脾臟中風多汗惡風身體怠惰四肢不能  
動色微黃不嗜食舌強語澁口眼喎斜或肌膚不  
仁腹膨心煩翁翁發熱神思如醉其脉浮緩曾滿  
痰涎志意昏濁

獨活 一錢五分

防風

茯神 去本

人參

附子 炮去皮

前胡

沙參

半夏 湯洗七次

黃芪 炒

旋覆花

羚羊角 銹

甘草

石水煎服

半夏湯

半夏

桂枝

出草冬等分

右水煎細細呷之

雞頭丸治小兒諸病後不能語

雄雞頭一個

鳴蟬三個

大黃錦紋者

甘草灸一兩

木通

人參各半兩

當歸

黃芪

川芎

遠志去心薑汁製畧炒

麥門冬去心焙各三分

右為末煉蜜丸小豆大干旦米飲下五丸日一服

見大者加之久服取効

射干湯治夏秋暴寒喘咳喉啞失聲喉中如梗

益命 半夏 五錢 湯泡

生薑 五斤 湯泡

杏仁 三錢 去皮尖

射干

甘草 炙

紫茹

肉桂

枳實 炒

當歸

橘皮

獨活

麻黃 去節 各二錢

右每二三錢水煎服

菖蒲丸 方見語遊

錢氏全蝎散 方見偏風 禁

地黃丸 方見腎臟

七味白朮散 方見積痛

補中益氣湯 方見虛羸

二陳湯方見吐瀉

滯頤

小兒滯頤者涎流出而漬於頤間也脾之液爲涎由脾胃虛寒不能收攝耳治用六君子湯加本香凡作渴飲冷者屬實熱宜瀉胃火作渴飲湯者屬虛熱宜補中氣若脾經實熱而廉泉不能統攝者用牛黃清心丸脾經虛熱而廉泉不能統攝者用六君子加木香胃經實熱而蟲動津液流出者用瀉黃散虛熱用五味異功散大便秘結用清涼飲中氣下陷用補中益氣湯食積內熱用大安丸仍叅口瘡頤腫條互覽

之

治驗

一小兒滯頤面色痿黃余謂當調補中氣不信用  
清熱之劑更加弄舌乃用五味異功散漸愈後因  
停乳吐瀉復作先用大安丸消其宿乳次用五味  
異功散補其中氣而痊

一小兒滯頤面色赤手指熱用瀉黃散一服而愈  
後因乳母飲酒其子復患前症用東垣清胃散加  
乾薑神麩麥芽母子並服而愈

一小兒停食腹痛用疎導之藥痛止左項筋動口

薛氏醫案

角涎流面色痿黃肢體微腫先用六君柴胡升麻  
山梔四劑次用巽功散加升麻而痊

一小兒停食腹痛服峻利之藥吐瀉自汗厥冷滯  
頤用六君升麻柴胡而愈

一小兒十一歲滯頤兼噎氣下氣時常停食服消  
導清熱之劑大便不實小腹重墜此脾氣下陷也  
用六君升麻柴胡飲食漸進大便漸實又用四神  
丸而愈

一小兒滯頤面色白或鰲腹痛手足時冷脈微細  
此肺腎虛寒也宜先培其脾土用溫胃散二服腹



痛頓止又六君子湯諸症並愈後停食挾驚吐瀉  
發搐滯顛腹痛復作用六君加柴胡鈞藤鈞四劑  
而痊

一小兒吐舌流涎余謂心脾有熱用導赤瀉黃二  
散而愈後自服清熱化痰等藥更加弄舌余用異  
功散加鈞藤鈞而安又用六君子湯而愈

一小兒滯顛面色白或赤目劄咬牙此稟肝腎氣  
不足內熱而生虛風也用地黃丸以滋腎水異功  
散以補脾土而安

一小兒滯顛面青手按其腹則叫痛此來食與驚

也用異功散加枳實升麻二劑而愈後又停食吐瀉滯頤發搐面色青黃此脾虛而肝木乘之也用異功散加升麻柴胡鈞藤鈞而愈  
溫胃散治脾冷涎多流滯於頤

丁香 一兩

人參

半夏

肉荳蔻

白朮

乾薑

甘草 各半兩

右爲末每服一錢薑水煎

愚按此方治脾胃虛寒涎流不止或嘔吐腹痛之良劑也脾氣稍溫但服五味異功散

六君子湯

錢氏異功散

四君子湯

清胃散

四方見內鈞

四順清涼飲

補中益氣湯

大安丸

保和丸加白朮三方見虛羸

瀉黃散

方見脾臟

牛黃清心丸

方見急驚

四神丸

方見驚瀉

導赤散 方見心臟

腹痛

小兒腹痛口中氣冷不思飲食脾土虛寒也用調中  
丸主之口中氣溫大便酸臭積痛也用下積丸治之  
面赤壯熱或手足並熱實熱也用瀉黃散瀉之面黃  
微熱或手足並溫虛熱也用異功散補之若作渴飲  
湯胃氣虛熱也用白朮散若痛連兩脇肝木乘脾也  
用四君子湯加柴胡芍藥若腹痛重墜脾氣下陷也  
用補中益氣湯加升麻若手足指冷或吃逆泄瀉寒  
水侮土也用六君炮薑肉桂不効急加附子若服尅

滯之藥致腹作痛按之不痛脾氣復傷也用五味異  
功散中脘痛者屬脾少腹痛者屬腎按之痛者爲積  
滯不痛者爲裏虛積滯者消之裏虛者補之

治驗

一小兒停食腹痛發熱面赤或用養胃湯枳殼黃  
連山查反加腹脹午後發熱按其腹不痛此脾虛  
而尅伐傷之也用六君子湯數劑而瘥

一小兒七歲發熱驚悸用化痰藥反抽搐惡寒吐  
痰喘嗽腹痛少食用抱龍丸大便似痢寒熱往來  
殊類風症余以爲脾氣復損用四君子湯少加升

麻柴胡治之月餘而愈

一 小兒肚腹膨痛食後即瀉手足逆冷此脾氣虛寒也先用人參理中丸後用六君子湯而愈

一 小兒九歲常患腹痛至冬月因食生冷之物其腹仍痛服理中丸之類輒効至十六歲秋初畢姻後腹痛又作唇面黯爪甲青余先君用八味丸補火隨愈服四兩許痛不再作至二十歲外痛復作服前丸不應乃服附子理中湯而止仍用八味丸而安

一 小兒腹痛吐舌流涎作渴飲冷便秘用清涼飲

下之頓安余謂小兒元氣易虛易實病勢稍安不  
必再藥不信自用三黃丸一服果吐瀉發搐余用  
白朮散加釣藤釣補脾平肝而愈

四七氣湯治七氣所傷痰涎結聚心腹作痛不能飲  
食

半夏製焙  
五兩

人參

辣桂去皮各  
一兩

甘草半兩

右每服三錢薑棗水煎

指迷七氣湯治七情相干陰陰不升降氣道壅滯次

衝作痛

青皮

陳皮

桔梗

蓬朮

辣桂

益智仁

各一兩

香附子

一兩

甘草

炙三分

半夏

製三分

右每服三錢薑棗水煎

異功散治小兒諸般痲症角弓反張胸高臍凸以透

明沒藥為末薑湯調下

方見天鈞即錢氏異功散

枳梗枳殼湯治氣壅痞結腹脇疼痛

枳殼

枳梗

各二兩

甘草

炙半兩

右每服二三錢薑水煎

七味白朮散治積痛和胃氣生津液

方見積痛



之氣虛不能通調水道也用金匱加減腎氣丸主之  
或手足逆冷睡而露睛脾胃虛寒也用六君子加炮  
薑手足不冷睡而露睛脾胃虛弱也用六君子湯若  
面色青木尅土也用六君木香柴胡更當調治乳母  
節其飲食恐藥餌過劑復傷胃氣故也

### 治驗

一小兒腹脹面赤痰喘大便秘壯熱飲冷此形病  
俱實用紫霜丸一服諸症益甚面色頓白飲湯不  
絕余以爲邪氣退而真氣復傷故面白而喜湯用  
白朮散大劑煎湯令恣飲良久而睡翌日頓安

一 小兒傷食腹脹胸滿有痰余治以異功散而痊  
後復傷食腹脹無痛或用藥下之痛脹益甚而加  
氣喘此脾胃傷而致肺虛也用六君子加桔梗調  
補而痊

一 小兒腹脹惡食發熱惡心症類外感余曰此飲  
食停滯也用保和丸一服諸症頓退惟腹脹用異  
功散而痊

一 小兒傷食腹脹服剋伐之劑小便澀滯又服五  
苓散之類飲食漸減小便不通四肢頓腫余朝用  
金匱腎氣丸去附子又用補中益氣湯而安

愚按前方若脾胃氣疰作渴欬湯或因吐瀉津液  
虧損煩渴引飲或脾胃虛弱腹脹瀉渴弄舌流涎  
手足指冷並宜服之以溫補脾氣化生津液方見積滯  
六君子湯治脾胃氣虛吐瀉不食肌肉消瘦或肺金  
虛痰嗽喘促惡寒或肝虛驚搖眩暈自汗諸症並  
宜服此以滋化源方見內鈞

瀉黃散 方見肝臟

四君子湯 方見內鈞

補中益氣湯 方見虛羸

八味丸 方見腎臟

附子理中湯

人參理中丸

二方見冷即理中湯

益黃散

方見脾臟

調中丸

方見脾胃虛冷

腹脹

東垣云寒脹多熱脹少皆主於脾胃虛者宜用六君子湯若喘而氣短者脾肺氣虛也用異功散補之若服剋伐之類而喘脹益甚者脾肺之氣復傷也用前湯加半夏升麻若既下而不喘則邪氣去而肺氣寧也不必用藥或病久小便不利或四肢浮腫者脾肺

一 小兒傷風咳嗽痰湧用六君枯梗桑皮杏仁而愈復飲食停滯作瀉腹脹仍用六君山查厚朴而安後停食作嘔或用藥下之更加咳嗽余謂此屬脾肺俱虛欲行調補彼以爲緩乃發表剋滯前症益甚更加搖頭余用天麻散倍加鈞藤鈎及異功散尋愈

一 小兒五歲食糲後咬牙欲吐頃間腹脹昏憤鼻青黃赤此脾土傷而食厥也令用雞翎探吐出酸物頓醒節其飲食勿藥而愈

一 小兒胸腹脹發熱頓悶以手按腹即哭此飲食

停滯也先用保和丸一服前症即愈更加煩渴按  
其腹不哭此宿食去而脾胃復傷也用五味異功  
散加柴胡治之頓瘳

一小兒腹脹大便青白腹左一塊面色痿黃齒齦  
赤爛食少滯願余用異功散調補中氣為主佐以  
大蘓蕒湯清疳治熱月餘諸症稍愈仍服異功散  
及蚶蜆丸外貼阿魏膏兩月塊消左脇微痛用四  
君子湯丸味蘆薈丸而愈

蝼子丸治疳腫脹

蘿蔔子一兩  
微炒

陳皮

青皮炒

檳榔

五靈脂

蓬朮煨

黑牽牛

頭末各半炒

赤茯苓

木香

一錢五分

右為末麵糊丸藜豆大每服十五丸紫蘇湯下

金匱加減腎氣丸

熟地黃

八兩

乾山藥

山茱萸

各四兩

澤瀉

白茯苓

牡丹皮

各二兩

肉桂

附子

車前子

炒

牛膝

酒微炒各一兩

右各另為末米糊丸小豆大每服三四十九空心

食前白湯下

紫霜丸 方見崇風

大柴胡湯 方見疾疢

五苓散 方見五淋

保和丸 方見虛羸

大麻散 方見百辟內嗽

大蕪荑湯

蚶蟆丸

九味蘆薈丸 三方見疔症

癖塊痞結

錢仲陽云癖塊者僻於兩脇痞結者否於中脘此因



乳哺失調飲食停滯邪氣相搏而成或乳母六淫七  
情所致古人多用尅伐痞瘕既久飲食減少脾氣必  
虛久而不愈必先以固胃氣爲主使養正則積自除  
若欲直攻其結不惟不能善消抑亦損其脾土丸脾  
土虧損必變症百出矣當參各類及隨見症而主治  
之

治人  
治

一小兒患痞癍服檳榔蓬朮枳實黃連之類痞益  
甚余曰此脾經血虛痞也不可尅伐遂用六君子  
加當歸數劑胃氣漸復諸症漸愈乃朝用異功散

加升麻柴胡夕用異功散加當歸芍藥而愈

一小兒素嗜肉食腹痛大便不調半載後右脇結

一塊三月後左脇又結一塊腹脹食少作渴小便

赤濇大便色穢又半載後領下亦結一核妄服消

塊行滯等藥而元氣益虛用四味肥兒丸五味異

功散之類熱渴漸止腹脹漸可佐以九味蘆薈丸

結核漸消後用四君子爲主佐以四味肥兒丸之

類三月餘而痊

一小兒停食吐瀉後飲食不節作瀉腹痛膨脹腹

中結塊作渴發熱齟爛口臭服消導剋滯之藥而

前症益甚形體益瘦視其面色黃中隱青乃脾土  
虧損而肝木所侮也法當調補中氣兼平肝木遂  
用中和湯及大蕪荑湯之類半載而愈

一 小兒患痞結服剋滯之藥余謂屬形病俱虛當  
補中氣彼不信仍行剋伐遂致虛火上炎齒齕蝕  
爛頷下結核余用大蕪荑湯及異功散加減用之  
而安

一 小兒患痞結久而四肢消瘦肚腹漸大寒熱嗜  
臥作渴引飲用白朮散爲主佐以四味肥兒丸月  
餘諸症漸愈又以異功散加當歸并六味地黄丸

又月餘而愈

一 小兒患痞結身熱如火病狀多喘不可盡述朝  
用五味翼功散夕用四味肥兒丸月餘諸症稍愈  
佐以地黃丸自能行立遂朝用地黃丸夕用翼功  
散及蝦蟇丸數服而愈

疾痞丸治乳癖穀癥腹中塊痛

代赭石

火煨醋  
淬研細

青皮

木香

蓬朮

煨

生地黄

各一  
錢

巴豆

去油淨  
六錢

右為末醋糊丸麻子大每服

三丸食後薑湯下

汁遂破結散

甘遂 二錢五分 煨黃

青皮 煨

黃芩 炒

大黃 炒各半兩

右為末每服一錢水煎服仍量兒加減利後以粥

補之

進食丸治乳食不消心腹脹滿壯熱喘粗嘔吐痰逆

腸鳴泄瀉或食厥乳癖疝氣痞結並皆治之

巴豆霜

當歸 米泔浸炒

朱砂

代赭石 醋煨淬七次

枳殼 炒

木香 各五錢

麝香 一分

右為末糊丸麻子大每服一二此溫米飲下更量

兒加減

枳木丸

白木

四兩

枳實

二兩

右為末荷葉包煨爛飯為丸桐子大每服四五

丸空心白滾湯下

阿魏膏治一切癰塊痞結更服胡連丸

羌活

獨活

玄參

官桂

赤芍藥

川山甲

生地黃

兩頭尖

大黃

白芷

天麻

各五錢

槐柳桃枝

各二錢

紅花 四錢

木鼈 十枚 去殼

亂髮 如神 六一

右用香油二斤四兩煎黑去粗入髮煎化仍去粗  
徐下黃丹煎軟硬得中人芒硝阿魏蘇合香油乳  
香沒藥各五錢麝香三錢調勻即成膏矢攤貼患  
處內服丸藥黃丹須用真正者効凡貼骨藥先用  
朴硝隨患處鋪半指厚以紙覆上用熱熨斗屢良  
久如硝耗再加熨之二時許方貼膏藥若是疔瘡

加蘆薈末同熨

六味地黃丸

方見腎臟

四君子湯

異功散

六君子湯

三方見內鈞

四味肥兒丸

方見嘔吐

大蕪荑湯

一名中  
和湯

蝦蟆丸

九味蘆薈丸

三方見疳症

白朮散

方見積痛

積滯

經曰五臟之積曰積六腑之積曰聚凡小兒積滯成  
作痛皆由乳哺不節過餐生冷脾胃不能消化停滯



中脘久而成積或因飽食即卧脾失運化留而成積  
其症面目黃腫腹痛膨脹壯熱足冷嗜卧不思乳食  
大便酸臭或秘澁小便如油若吐乳瀉乳所出酸臭  
者爲乳積腹脹作瀉嘔吐噦氣者爲食積初患元氣  
未損之時或腹脹作痛大小便不利者先用白餅子  
或木香檳榔丸下之下後以白朮散或五味異功散  
和之渴加乾葛吐加半夏下而熱不退或作嘔作瀉  
飲食不思此脾胃俱傷也用六君子湯手足指冷喜  
飲熱湯此脾胃虛寒也前方加炮薑木香面色黃白  
目無精光脾肺俱虛也用四君子加柴胡升麻腹痛

泄利下重或小便不利者用四逆散發熱晡熱或瀉  
未已脾氣下陷也潮熱口渴大便不調欲變疳症也  
並用補中益氣湯佐以肥兒丸經云邪之所湊其氣  
必虛留而不去其病乃實必以調脾為主而以消導  
佐之古人所謂養正積自除正此意也

### 治驗

一小兒每停食身發赤暈用清中解鬱湯而愈後  
患搔頭咬牙痰盛發搐吐出酸腐待其吐盡翌日  
先與七味白朮散次與參苓白朮散遂不復作若  
吐後兒安更不必服藥也

一小兒飲食積滯患嘔吐發熱服消道等劑飲食已消而熱未退余以爲胃經虛熱用六君升麻柴胡各二分四劑而愈

一小兒七歲停食後腹痛服剋伐之劑而益加按之不痛此脾氣復傷也用六君子湯而愈後復傷食服保和丸及三稜檳榔之類而更腹痛服瀉黃散體重善噫此脾氣虛而下陷也乃用六君升麻柴胡木香而愈

一小兒數歲間每停食輒服峻利之藥後肚腹膨脹嘔吐泄瀉先用六君子湯諸症漸愈又用補中

益氣湯而安

一小兒腹脹飲食後即瀉手足逆冷此脾氣虛寒也先用人參理中丸後用六君子湯而愈

一小兒腹痛以手按之痛益甚此乳食停滯也用保和丸末一錢檳榔末三分下酸臭糞而安後患

腹痛別服峻利之劑其痛益甚手按則已面色黃白此因飲食失宜脾氣不調土虛不能生金也用六君子湯而愈

一小兒久患腹痛診其母右關脈弦緩乃木剋土也用六君子湯加木香柴胡母子並服而愈

一小兒停食腹痛面色白黑睛少手足當冷大便  
不實口鼻吸氣腹中陰冷此稟命門火衰不能溫  
蒸中州之氣故脾胃虛寒也用八味丸補中益氣  
湯而愈

一小兒患前症服驅逐之劑更惡寒發熱余朝用  
補中益氣湯夕用五味異功散尋愈後飲食停滯  
腹痛便秘別用疎導之劑朝寒暮熱大便頻數余  
用五味異功散月餘飲食漸進乃佐以八珍湯內  
芍藥炒焦川芎些少又兩月寒熱漸愈後又傷風  
服參蘇飲汗出喘嗽發熱服清熱化痰之劑更煩

熱不寐尋衣撮空先用六味地黃丸料水煎服諸  
症頓退再劑而安却用五味異功散八珍湯而痊  
後因傷食吐瀉大便欲去而不夫欲了而不了先  
用補中益氣湯數劑不應改用人參五錢白朮三  
錢陳皮甘草各七分升麻四分乾葛五分三劑又  
手足並冷急用人參一兩附子五分薑棗水煎一  
日服二劑手足始溫又二劑諸症漸退仍用前人  
參五錢之方治之而愈

七味白朮散治吐瀉作渴

人參

二錢五分

白茯苓

白朮

藿香葉 各半兩

木香 二錢

甘草 一錢

乾葛 半兩 湯加一兩

右每服一二錢水煎熱渴甚去木香肚痛加芍藥  
四逆散治少陰病或腹中痛泄痢下重

枳實 炒

甘草 炒

柴胡

芍藥

右為細末每服一二錢空心米飲調下

白餅子 方見發熱

木香檳榔丸 方見利少滯

五味異功散

六君子湯 二方見內鈔

補中益氣湯 方見內鈔

白朮 芍藥 黃連 黃芩 大黃 枳實 芍藥 甘草

白朮 芍藥 黃連 黃芩 大黃 枳實 芍藥 甘草

白朮 芍藥 黃連 黃芩 大黃 枳實 芍藥 甘草

白朮 芍藥 黃連 黃芩 大黃 枳實 芍藥 甘草

白朮 芍藥 黃連 黃芩 大黃 枳實 芍藥 甘草

白朮 芍藥 黃連 黃芩 大黃 枳實 芍藥 甘草

白朮 芍藥 黃連 黃芩 大黃 枳實 芍藥 甘草

保嬰撮要五卷終

木香

甘草



得嬰攝要卷之六

薛氏醫按

吳郡薛鏞集小薛已驗

江臨都吳中珩校

發熱症

小兒之熱有心肝脾肺腎五臟之不同虛實溫壯四者之不一及表裏血氣陰陽浮陷與夫風濕痰食各當詳之心熱者額上先赤心煩心痛掌中熱而噦或壯熱飲水已午時益甚肝熱者左頰先赤便難轉筋尋衣捻物多怒多驚四肢困倦寅卯時益甚脾熱者鼻上先赤怠惰嗜臥身熱飲水遇夜益甚肺熱者右

頰先赤手抬眉目喘咳寒熱飲水日西熱甚腎熱者  
頰下先赤兩足熱甚骨蘇蘇如蟲蝕熱甚不能起於  
牀夜間益甚仍當辨其虛實實則面赤氣粗口燥唇  
腫乍渴飲冷大小便難或掀衣露體煩啼暴呻伸體  
而臥睡不露睛手足指熱宜用表下虛則面色青白  
恍惚神緩口中虛冷噓氣軟弱喜熱惡寒泄瀉多尿  
或午涼乍溫怫鬱驚惕上盛下泄夜則虛汗屢體而  
臥睡露睛手足指冷宜用調補壯熱者肢體大熱熱  
不已則發驚癇溫熱者肢體微熱熱不已則發驚搐  
陰虛則內熱陽盛則外熱以手輕捫之則熱重按之

不熱此皮毛血脉之熱熱在表也重按之筋骨之分  
則熱輕手則不熱此筋骨之熱熱在裏也不輕不重  
按之而熱此肌肉之熱熱在表裏之間也以虛實分  
屬表裏而言之壯熱惡風寒爲元氣不克表之虛熱  
也壯熱不惡風寒爲外邪所客表之實熱也壯熱飲  
湯爲津液短少裏之虛熱也壯熱飲水爲內火銷燄  
裏之實熱也若夫內外皆熱則喘而渴齒乾煩冤腹  
滿四肢熱逢風寒如灸於火能冬不能夏是皆陽盛  
陰虛也脉尺寸俱滿爲重實尺寸俱弱爲重虛脉洪  
大或緩而滑或數而鼓此熱盛拒陰雖形症似寒實

非寒也熱而脈數按之不鼓此寒盛格陽雖形症似  
熱實非熱也發熱惡熱大渴不止煩躁肌熱不欲近  
衣其脈洪大按之無力或兼目痛鼻乾者此血虛發  
躁也當補其血如不能食而熱自汗者氣虛也當補  
其氣仲景論內外不足發熱自汗之症禁不可發汗  
如飲食勞役雖病發熱誤發其汗則表必虛也身熱  
而汗出者風也發熱身疼而身重黃者濕也增寒發  
熱惡風自汗脈浮留痞者痰也發熱頭痛脈數者食  
也寸口脈微爲陽不足陰氣上入陽中則惡寒尺脈  
弱爲陰不足陽氣下入陰中則發熱陰陽不歸其分

則寒熱交爭也晝則安靜夜則發熱煩躁是陽氣下  
陷人陰中也晝則發熱煩躁夜則安靜是重陽無陰  
也當亟瀉其陽峻補其陰至若身熱脉弦數戰慄而  
不惡寒者癰瘡也發熱惡寒脉浮數者溫病也若四  
肢發熱口舌咽乾是火熱乘土位濕熱相合故煩躁  
悶亂也若身體沉重走注疼痛乃濕熱相搏風熱鬱  
而不得伸也心熱則用瀉心湯導赤散安神丸肝熱  
則用瀉青丸柴胡飲子脾熱則用瀉黃散肺熱輕則  
用瀉白散重則用涼膈散及地骨皮散腎熱則用滋  
腎丸實熱則宜疎小虛熱則宜調補壯熱者導赤散

溫熱者瀉黃散芒 肢體熱輕則用惺惺散重則用羌  
活散之類大便秘者二黃犀角散餘熱不退者地骨  
皮散骨節疼痛者梔子仁湯宿滯內作者紫霜丸肝  
火內熱者龍膽黃湯陰盛隔陽而熱者人參理中湯  
肝經血虛生風而搐者用四物天麻釣藤鉤若熱蘊  
便秘者四順清涼飲熱而二便調和風邪蘊結於表  
而發者用惺惺散加麻黃汗之汗後血虛而熱益甚  
者六神散加粳米汗後氣虛而惡寒發熱者補中益  
氣湯汗後陰虛而陽無所附而熱者用四物湯加參耆  
汗後陽虛陰無所附而熱者用四君湯加芩歸嬰兒

諸熱其因別症而作者當從所重而治之或乳母七  
情厚味飲食停積遺熱於兒或兒嗜食甘肥衣衾過  
煖或頻浴熱湯積熱於內爲患者各當詳之蓋小兒  
臟腑脆弱元氣易虛補泄宜用輕和之劑庶無變症  
若乳下嬰見當兼治其母仍參諸熱症治之

### 治驗

一 小兒夜間發熱天明如故或小腹作痛飲食少  
思面色痿黃熱時面赤不時飲湯此食積所致用  
下積丸治之而消又用白朮散調理而安  
一 小兒飲食停滯腹痛作嘔用大安丸而愈飲食

雖進其腹仍痛用六君山查神麩痛少止余以爲  
脾氣傷而飲食難化乃去前二味服六君子四劑  
而愈後又傷食仍服前藥痛止而至暮發熱用六  
君柴胡升麻而痊此由脾虛下陷不能升發故至  
暮發熱也

一小兒發熱飲食少思大便不實常服蘆薈等丸  
視其鼻赤此寒涼之劑復傷脾土而虛熱也用五  
味異功散數劑而愈

一小兒十三歲內熱哺熱形體倦怠食少作渴此  
稟賦怯弱之虛熱也用地黃丸異功散補之不越



月而痊

一小兒十四歲而近女色發熱吐痰至有室兩目羞明頭覺脹大用地黃丸料加五味子當歸黃芪煎服及補中益氣湯得慎疾而痊

一小兒十四歲肢體倦怠發熱瞞熱口乾作渴吐痰如湧小便淋瀝或面日赤色身不欲衣此稟腎不足而虛熱也用補中益氣湯六味地黃丸尋愈

一小兒五歲發熱作渴右顙鼻準微赤或與冷水涼藥卽時嘔吐余曰右顙微赤肺經虛熱也鼻準微赤胃經虛熱也先用四君升麻一劑吐止又用

白朮散二劑而不渴更用四君子湯四劑而安

一小兒九歲發熱作渴用瀉黃散大便重墜口角  
流涎彼欲瀉火余曰鼻準青白脾胃虛寒肝木所  
侮也口角流涎脾氣不能攝也大便秘墜胃氣不  
能升也不信竟服涼藥眉唇微動四肢微搐復求  
治余曰此虛極而變慢脾風矣用六君炮姜當歸  
木香鈞藤鈎二劑益甚欲求更劑余曰藥力未及  
耳又加炮附子一片卽安後去附子二劑而愈  
一小兒四歲停滯腹痛發熱用大安丸而飲食進  
又用六君山查神麩四劑而痛止後傷食至暮復

熱用六君柴胡山梔升麻而痊此脾虛兼肝火之  
治法也

一小兒發熱體瘦夜開遺尿日間頻數此稟脾腎  
不足用補中益氣湯加補骨脂及地黃丸加鹿茸  
治之而痊婢姙後小便頻數作渴發熱服補陰丸  
等藥發熱尤甚小便如淋用補中益氣湯六味地  
黃丸而愈

一小兒體瘦腹大發熱嗜卧作渴引飲先用白朮  
散爲主佐以四味肥兒丸諸症漸愈又用異功散  
六味丸而愈

一小兒十四歲傷食發熱服消食丸胸腹膨脹發熱作渴此脾氣復傷也先用四君升麻柴胡飲食漸進用補中益氣湯而愈後因勞心發熱少食用四君升麻柴胡而愈

一小兒傷風咳嗽服參蘇飲加痰盛喘急腹脹不食此脾肺虛而復傷也用六君柴胡桔梗一劑諸症頓愈用六君子湯而痊

一女子十四歲發熱至夜益甚久不愈左關脈弦數右關脈微按之亦弦此肝火血熱脾胃虛弱先用四物二連湯加柴胡山梔牡丹皮二劑熱稍退

又二劑執...頓退再用加味逍遙散白朮加三錢數劑而痊

嘉靖癸丑閏三月渠下第北歸大子麟孫方病瀉不食遍體如焚胸滿腹冷痛日夜不成寢或投以山查枳殼中氣愈弱瀉愈甚不食至累月日進米飲一半甌或糕餌棗栗少許稍過節度則肢體熱益壯腹痛不解奄奄喘息旦暮不保矣立齋先主枉視之則曰此胃虛不能納脾濕不能運病在戊巳深且久兼木氣所乘脫服攻治之藥則殆矣亟用補中益氣湯數裏熱稍退瀉不食如初先生復

曰此勿亟惟胃氣漸復濕漸除當自得効耳改用  
六君兼補中湯仍服八味丸生命門火以滋脾土  
如是三月諸症悉退納穀倍常日惟稍遇形役或  
記誦心勞則潮熱遄發先生復授以歸脾方加梔  
柴二種執尋止形氣日充甲寅七月偶觸暑飲冷  
前症復作間發瘧疾熱晝夜不止先生曰此虛寒  
偏陽法當舍時從症用補中湯多加炮薑益以生  
薑二兩及口而瘡止面色青黃相錯更患痢或謂  
參芪炮薑不宜先生哂之且曰此固虛弱自利耳  
往嘗謂戊巳受病本氣垂之此青黃二色非正形

耶仍用補中益氣多加柴胡參朮數日而痢止餘  
症亦漸解脫惟吾兒襁褓失母渠每姑息之故其  
性外溫而中易怒渠少孤遭家多難藜藿恒不充  
兒幼多病矢調養故形怯而胃弱致疾之原其所  
由來者漸矣先生洞微燭幽知其病深且久而堅  
持獨見以祛攻治之惑吾兒再造之慈何幸得此  
於先生哉先生之曾大父與先廷評公爲中表兄  
弟先君與先生同宦游京師末年尤敦泉石之雅  
先生盛德及於犬子能使先人後嗣永存區區志  
感誠不能盡萬分之一也是歲冬十月望眷晚生

張慕渠頓首頓首

嘉靖甲寅敬臣之女年十二患脾胃素弱自夏入  
秋時瀉時止小腹微痛至八九月間遂成疳積之  
症發熱凡二十餘日不止汗泄熱解汗已復熱自  
中脘至小腹膨脹堅直大便澹氣喘咳嗽作噎而  
晝輕夜重徹夜煩躁不睡鼻塞眼暗識語其母以  
爲必死矣立齋先生診之曰脉浮大而無根此天  
虛證也非獨參湯不可乃用參一兩加熟附三分  
煨生薑三片日進二劑仍併查服之大下疳積其  
氣甚腥腹漸寬熱漸減脉漸斂然手猶毒檢不巳



鼻孔出血先生曰此肝證也煎六味丸料與之一  
服如脫乃晝服獨參薑附湯夜服六味丸料脉漸  
有根諸證漸退先此手足恒熱至是乃始覺寒先  
生喜曰此病邪盡退而真氣見矣然猶飲食不進  
乃單用六君子湯加炮薑遂能食咳嗽獨甚與補  
中益氣湯嗽遂止夜始有睡凡弱女之得生皆先  
生力也向非先生卓有定見專治其本而其末自  
愈則奄奄一息之軀豈堪雜劑之攻擊哉其爲丘  
中之骨蓋必然矣敬臣感激之餘無由以報敬書  
施療之顛末以附醫錄庶不泯先生之功且以告

同患此者幸無所悞亦推廣先生一念之仁於萬  
一云爾孟冬望日卷晚生王敬臣頓首拜書

敗毒散治傷風瘟疫風濕頭目昏眩四肢作痛增寒  
壯熱項強睛疼或惡寒咳嗽鼻塞聲重

柴胡

前胡

川芎

枳殼炒

羌活

獨活

茯苓

桔梗

人參

各一

甘草半兩

右每服二錢生薑薄荷水煎

滋腎丸治腎熱

黃栢酒拌炒

知母二錢

肉桂五分

右爲末熟水丸桐子大每服二十九至三十九食

前百沸湯下

四順清涼飲治小兒血脈壅實臟腑蓄熱頰赤作渴

五心煩熱睡卧不安四肢驚掣及因乳哺不時寒

溫失度令兒血氣不順腸胃不調大小便澀欲發

驚癇或風熱結核頭面生瘡目赤咽痛瘡疹餘毒

一切壅滯挾熱泄瀉不止加木香煨大黃

赤芍藥

當歸

甘草

大黃各等分

右每服一錢水煎作兩服

消風散治小兒解脫致令風邪客於皮毛入於臟腑

則令患風發熱胸膈痰涎目澁多睡方見驚癇胎

小柴胡湯治傷寒溫熱身熱惡風頭痛項強四肢煩

疼往來寒熱脇痛耳聾嘔噦痰實中暑瘧疾並服

之方見天鈞

愚按前方若肝膽經風熱肝火燥癰寒熱往來日

哺發熱潮熱不欲飲食或怒火口苦耳聾咳嗽或

脇痛肢滿小便不利或泄瀉吐酸苦水或肢體痛

動唇目抽掣及乳母有前症致兒為患者並宜服

之

抑肝散治肝經虛熱發搐或發熱咬牙或驚悸寒熱

或木乘土而嘔吐痰涎腹脹少食睡卧不安用臘

梔子清肝散一名柴胡梔子散治三焦及足少陽經風熱發

熱耳內作痒生瘡或出水疼痛或胸乳間作痛寒

熱往來

柴胡

梔子炒

牡丹皮各一錢

茯苓

川芎

芍藥

當歸

牛旁子炒各七分

甘草二分

石水煎服

柴胡清肝散治肝膽三焦風熱怒火或乍寒乍熱往來寒熱發熱或頭發瘡毒等症

柴胡 一錢半

黃芩 炒

人參

川芎

各一錢

山梔

炒一錢半

連翹

甘草

各五分

桔梗

八分

右水煎服

柴胡飲子解肌熱蒸熱積熱或汗後餘熱脉洪實弦

數大便堅實

黃芩 七分

甘草 四分

大黃

八分

芍藥 七分

柴胡

人參

各五分

當歸一錢

右每服一錢薑水煎

當歸補血湯治肌熱躁熱目赤面紅頰渴晝作不息其脉洪大而虛重按全無此脉虛血虛也若快服白虎湯必死宜此主之

黃芪

當歸各等分

右水煎服

三黃丸治三焦積熱眼目赤腫頭項腫痛口舌生瘡心膈煩躁不美飲食大小便秘澀五臟實熱或下鮮血瘡癰熱症

黃連

黃芩

大黃

煨各等分

右為末煉蜜丸桐子大每服三十丸白滾湯下量大小加減服

白虎湯治傷寒或吐或下後七八日邪毒不解熱結在裏表裏俱熱時時惡風大渴舌上乾燥而煩欲飲數升者宜服之又治夏月中暑汗出惡風寒身熱而渴

知母二兩

甘草一兩

石膏

四兩另研

糯米三合

右每服二三錢水煎至米熟為度



河黃散 方見脾臟

瀉心湯 方見心臟

地黃散 方見腎臟

清涼飲

柴苓散

二黃犀角散

牛黃散

黃龍湯

牛黃膏

梔子仁湯

六物黃芩湯

五物人參飲

地骨皮散 十方見潮熱

惺惺散

理中湯 二方見咳 嗽加人參即人參理中湯

龍膽湯

紫霜丸 二方見噤風撮口

四物湯 方見急驚

六神散 方見夜啼

白朮散 方見積痛

羌活散

方見驚風

下積丸

方見積滯

補中益氣湯

大安丸

即保和丸

加白朮

六君子湯

四君子湯

加味逍遙散

異功散

六方見內

瀉白散

方見肺臟

瀉青丸

方見肝臟

涼膈散 方見瘡瘍

八珍湯 方見寒熱

潮熱

錢仲陽曰潮熱者 時間發熱過時即退來日夜時而  
至有風寒疝積食 癖之分陰陽虛實五藏之異如汗  
出身熱呵欠面赤 者風熱也傷寒時疫陰陽相勝外  
感熱也肌瘦口乾 骨蒸盜汗疝熱也大小便秘澀汗  
下不解積熱也腹 背先熱夜發旦止食熱也溼嗽飲  
水乳食不消癖熱 也又有煩熱者氣能喘促心躁不  
安頰赤口瘡蒸發 癩症瘡疹熱者耳鼻尖冷血熱者

已午間發至夜則涼虛熱者困倦少力發於病後陽邪干心則來去不定陰陽相勝則寒熱如瘧前症在小兒有因乳母或妊娠七情厚味遺熱或飲食停積衣衾過煖及頻浴熱湯而爲患若寅卯辰時熱而力盛飲水者肝經實熱也用柴胡清肝散熱而力怯飲湯者肝經虛熱也用六味地黃丸巳午時熱心經也實用導赤散虛用秘旨安神丸申酉戌時熱肺經也實用瀉白散虛用秘旨保脾湯亥子丑時熱腎經也用地黃丸大凡壯熱飲水大便秘結屬實熱用二黃犀角散下之熱渴飲湯大便如常屬血虛用四物湯

補之若下後陰虛陽無所附而仍熱用四物參芪汗  
後陽虛陰無所生而仍熱用四君芍歸若汗下後煩  
渴面赤血虛發躁也當歸補血湯若見驚搐等症用  
血虛而内生風也用四物天麻釣藤鈎頰赤口乾小  
便赤澀大便焦黃表裏俱實熱也用清涼飲子如大  
便已利或熱未止表邪未解也惺惺散未應加麻黃  
微汗之既汗而仍熱此表裏俱虛氣不歸源陽浮於  
外而虛熱也六神散加粳米陽氣下陷於陰中而發  
熱者用補中益氣湯若乳下嬰兒當蕪治其母

治驗

一 小兒潮熱煩渴大便乾實氣促咳嗽右頤色赤  
此肺與大腸有熱用柴胡飲子一服頓愈後因微  
驚發搐咬牙頓悶此肝脾氣血虛也用四君芎歸  
釣藤釣而愈

一 小兒潮熱發躁左腮青赤此心肝血虛用秘旨  
安神丸及四物防風酸棗仁漸愈又用六味地黃  
丸調補肝腎而痊

一 小兒潮熱發搐痰涎上湧手足指冷左顙至申  
酉時青中隱白手足時搐此肝經虛弱肺金所勝  
而潮搐脾土虛弱而手足冷也用補中益氣湯調

補脾肺用六味地黃丸滋補肝腎而愈蓋病氣有餘當認爲元氣不足若用瀉金伐肝清熱化痰則誤矣

一 小兒寅卯時發熱或蕪搐有痰服抱龍瀉青二丸而愈後復患服前藥蕪咳嗽氣喘不時發搐面赤色或青黃或浮腫或流涎余謂咳嗽氣喘脾肺氣虛也不時發搐肝木乘脾也面青黃肝入心脾也浮腫流涎脾氣虛也用益智丸以養心血補中益氣湯以補脾氣而愈

一 小兒腹痛作嘔飲食少思至暮腹脹發熱此脾



愈  
愈後因勞不時寒熱夜間盜汗用十全大補湯而愈  
愈

一小兒夜間發熱腹脹余謂脾虛肝盛朝用五味異功散夕用四味肥兒丸熱止乃朝用六味地黃丸夕用異功散而痊

一小兒巳午時發熱驚悸發時形氣奄息面黃懶食流涎飲湯余謂心氣不足所致不信及服涼心之藥更加吐瀉睡而露睛手足並冷幾至慢脾風先用六君薑桂佐以地黃丸而愈

一 小兒亥子時患前症用益黃散而愈後復發服前藥及清熱之劑病發不時嗜臥露睛作渴少食大便頻黃子謂脾虛而肝木勝之兼元氣下陷也用補中益氣湯佐以地黃丸而愈

一 小兒先停食服剋伐之藥致面色痿黃體倦少食申酉時潮熱或用清熱消導之劑更加泄瀉子先用六君子湯數劑後用補中益氣湯漸愈

一 小兒申酉時發熱面赤腹中作痛或用峻利之劑下之致發搐吐痰作渴腹痛按之即止此脾胃傷而變症也用七味白朮散補中益氣湯頓安

柴苓散治壯熱來去

柴胡

麥門冬

去心

人參

赤茯苓

甘草

各半兩

黃芩

一兩

右為末每服二錢入小麥二十粒青竹葉三片水

煎服

二黃犀角散治溫壯熱心神不安大腑秘結

犀角屑

大黃

酒浸

釣藤鈎

梔子仁

甘草

黃芩

各半兩

右為末每服五分熱湯調下量兒加減

牛黃散治溫壯常熱或寒熱往來

牛黃

研

甘草

各半兩

柴胡

梔子

酒炒

龍膽草

酒炒

黃芩

炒各二錢半

右為末每服半錢以金銀薄荷湯調下

黃龍湯治發熱不退或寒熱往來

柴胡

五錢

黃芩

炒

甘草

炙各二錢

赤芍藥

三錢

右每服一錢薑棗水煎

牛黃膏治壯熱咽喉涎響或不省人事或左右手偏

搐或唇口眼鼻顫動此熱涎內蓄風邪外感也宜

急服之

蝎尾 四十枚

巴豆肉 去油膜 一錢半

梅花腦 半匙

辰砂 研 錢

鬱金 三錢 皂角水 煮

牛黃 少許

麝香 二匙

右為末每服一匙蜜水調下量兒虛實用之

梔子仁湯治陽毒壯熱百節疼痛下後熱不退者

梔子仁 酒炒

赤芍藥

大青

知母 各一兩

升麻

黃芩 酒炒

石膏 各二兩

柴胡 一兩

甘草 五錢

杏仁 二兩 浸去皮 麪炒微黃

右每服三錢生薑三片水煎服

六物黃芩湯治壯熱腹大短氣往來寒熱飲食不化

黃芩

酒炒

大青

甘草

炙

麥門冬

去心

石膏

各半兩

桂三錢

右每服一二錢水煎服

五物人參飲治壯熱咳嗽心腹脹滿

人參

甘草

各半兩

麥門冬

去心

生地黄

各一兩半

茅根

半握

右每服二三錢水煎服

益智丸治脾腎虛熱心氣不足

益智仁

茯苓

茯神

各等

右爲末煉蜜丸桐子大每服五六十九空口白滾湯下亦治白濁

四物二連湯治血虛勞五心煩熱晝則明了夜則發熱脇肋并一身盡熱日晡肌熱

當歸

生地黄

白芍藥

川芎

黃連

胡黃連

各等分

右水煎服

地骨皮散治虛熱壯熱

知母

柴胡

甘草

人參

地骨皮

茯苓

半夏各等分

右薑水煎有驚熱加蟬退天麻黃今

抱龍丸方見傷寒

六味丸方見腎臟

七味白朮散方見積痛

導赤散

秘旨安神丸二方見心臟

瀉白散方見肺臟

惺惺散

保肺湯二方見咳嗽



四物湯 方見急驚

當歸補血湯

柴胡清肝散

清涼飲子 二方見發熱

六神散 方見夜啼

補中益氣湯 方見虛羸

四君子湯

六君子湯 二方見內飲

益黃散 方見脾臟

瀉青丸 方見肝臟

# 寒熱

經曰陽虛則外寒陰虛則內熱陽盛則外熱陰盛則  
內寒寒熱往來此乃陰陽相勝也故寒氣并於陰則  
發寒陽氣并於陽則發熱寸口脉微爲陽不足陰氣  
上入陽中則惡寒尺脉弱爲陰不足陽氣下入陰中  
則發熱陽不足則先寒後熱陰不足則先熱後寒陰  
陽不歸其分則寒熱交爭也又上盛則發熱下盛則  
發寒陽勝則乍熱陰勝則乍寒陰陽相勝虛實不調  
故邪氣更作而寒熱往來或乍寒乍熱也少陽膽者  
用之府界乎太陽陽明之間半表半裏之分陰陽之

氣易於相乘故寒熱多主肝膽經症以小柴胡湯加  
減調之若祇見寒熱起居如常久而不愈及大病後  
元氣未復悉屬陰虛生熱陽虛生寒宜用八珍湯補  
之甚者十全大補湯有食積爲病亦令寒熱用保和  
丸消之若蕪嘔吐泄瀉用六君子湯厥冷飲熱人參  
理中丸作渴不止七味白朮散食積既消而寒熱尚  
作者肝邪乘脾所勝侮所不勝也用異功散加柴胡  
山梔其瘧瘧寒熱詳見瘧門

治驗

一小兒十四歲朝寒暮熱或時發寒熱則倦怠殊

甚飲食不思手足指冷朝用補中益氣湯夕用六  
君子湯各二十餘劑漸愈後因用功勞後前症復  
作更加頭痛脉虛兩寸尤弱朝用補中益氣湯夕  
荆子夕用十全大補湯兩月餘而痊但勞役仍復  
寒熱眼前二湯稍愈婢姻後又用功過度朝寒遍  
體如冰暮熱遍身如炙朝用補中益氣湯加薑桂  
暮用八味丸加五味子各五十餘劑而愈

一小兒十三歲壯熱便秘服清涼飲愈而復作服  
地骨皮散更潮熱又服苓連四物不時寒熱體倦  
少食而熱或晝見夜伏夜見晝伏予謂肝脾虛熱

夕用地黃丸加五味子朝用補中益氣湯加出

山茱而瘥

一小兒寒熱不愈診其乳母左關脈弦數左脇作痛遇勞則遍身瘙痒遇怒則小便不利此因肝經血虛鬱火所致也先用小柴胡湯加山梔牡丹皮諸症頓退又用加味逍遙散母子並痊

一小兒發熱咬牙乍寒乍熱耳內痛痒綠乳母有肝火所致用柴胡清肝梔子清肝二散母子並服而愈

一小兒十四歲每日子時分發熱遍身如炎午未

時則寒足骨如冰至膝至子時分熱仍作此內真  
寒而外假熱也朝用補中益氣湯加參芪各三錢  
附子三分夕用大劑四君子湯加當歸一錢附子  
五分各二十餘劑漸安又用參朮各五錢歸芪各  
三錢陳皮甘草各一錢薑桂五分各數劑乃朝用  
十全大補湯夕用六君子湯漸愈又用五味異功  
散而尋愈

女子十五歲寒熱月經先期兩寸脉弦出魚際  
此肝經血盛之症用小柴胡湯加生地黃烏梅治  
之而愈後寒熱消瘦月經過期乃肝脾二經血氣

虛弱也朝用補中之氣湯夕用六味地黄丸而氣  
羌活冲和湯治太陽無汗發熱頭痛惡寒春強脉浮  
緊又治非時暴寒人中之頭痛惡寒發熱宜此湯  
治之以代麻黃湯用太陽經之神藥也

羌活

防風

蒼朮

各一錢半

川芎

甘草

細辛

白芷

生地黄

黃芩

各一錢

右水煎服

八珍湯

四物四君合用四物見急驚四君見內釣

十全大補湯

方見自汗

六君子湯

加味道遙散

異功散 三方見內鈞

人參理中丸 方見冷瀉

保和丸

補中益氣湯 二方見虛癆

地骨皮散 方見潮熱

苓連四物湯 即四物二連湯加黃芩方見潮熱

地黃丸

八味丸 即地黃丸加五味子肉桂二方見腎臟



小柴胡湯 方見瘧症

柴胡清肝散

梔子清肝散 二方見發熱

傷寒夾驚夾食

錢仲陽云小兒正傷寒者謂感冒寒邪壯熱頭痛鼻  
塞流涕畏寒拘急是也夾驚者因驚而又感寒邪或  
因傷寒熱極生風是熱乘於心心神易動故發搐也  
用薄荷散人參羌活散之類解之甚者抱龍丸夾食  
者或先傷於風寒後復停滯飲食或先停滯飲食而  
後傷於風寒以致發熱氣粗愛氣壯熱頭疼腹脹作

痛大便酸臭先用解散次與消導不解者大柴胡湯  
週歲已前傷寒熱輕者用惺惺散週歲已後須解表  
微汗若五六日不除邪入於經絡傳變多端不可枚  
舉若夫榮衛俱傷者羌活沖和湯主之過此則少陽  
陽明二經在于半表半裏肌肉之間脉不浮沉外症  
在陽明則目疼鼻乾不得眠脉洪而長以葛根解肌  
升麻等湯治之在少陽則耳聾脉弦數小柴胡湯加  
減和之若少陽陽明俱病小柴胡加葛根芍藥傳人  
陽明爲裏脉沉實譫妄惡熱六七日不大便口燥咽  
乾而渴用大柴胡湯重則三一承氣湯若兼三焦俱

病則瘡滿燥實宜六承氣湯三陽之邪在裏為患不  
頭痛惡寒而反渴此為溫病當遵仲景法治之其餘  
止傷寒症治自有專方不復贅論其煎驚煎食者各  
從本症治之

治驗數見各症

抱籠丸治傷風瘟疫身熱氣粗痰實壅嗽常服安神  
鎮驚亦治痘疹壯熱

一膽南星 二兩

天竺黃

雄黃

辰砂 二錢

麝香 少許

右為末煮甘草汁丸櫻桃大陰乾每服一丸薄荷

湯下氣喘有痰加枯礬

愚按前方若風熱痰嗽或急驚發搐昏睡咬牙形  
病俱實宜用此方若初冒風寒咳嗽痰盛氣喘者  
屬客邪內作先用十味參蘇飲客邪既解而腹脹  
吐瀉發搐咬牙睡而露睛屬脾肺氣虛用五味異  
功散切忌祛痰表散若過服剋伐之劑以致前症  
名尤宜溫補脾肺

紅綿散治傷風咳嗽鼻塞或流清涕

全蝎 五箇

麻黃 去節

僵蚕 去絲

白芷

川芎

桔梗

天麻 各二錢

甘草

蘇木

右為未毒服一錢加紅綿少許水煎有熱加荆芥

葛根解肌湯治發熱惡寒頭痛項強傷寒溫病

葛根 四分

桂 一分

黃芩

甘草

白芍藥 各二分

麻黃 二分

右薑棗水煎服

三乙承氣湯治臟腑積熱痞滿燥實堅脹

甘草

枳實 剉炒

厚朴 薑製

大黃

芒硝 各等分

右薑水煎服

升麻湯治小兒中風頭痛增寒壯熱肢體疼痛鼻乾  
不得眠兼治瘡痘已發未發皆可服

甘草

白芍藥

升麻

乾葛 各等分

右爲末每服一錢水煎服

小柴胡湯

大承氣湯

大柴胡湯 二方見瘧症

惺惺散 方見咳嗽

葛根解肌湯

葛根

抱龍丸 二方見傷寒

薄苛湯 方見癩瘡

人參羌活散 方見驚風

咳嗽

錢仲陽云嗽者肺感微寒八九日間肺氣正旺若面赤身熱其病爲實當用葶蘆丸下之久嗽者不宜下若在冬月乃傷風嗽當用麻黃湯汗之則亦飲水咳嗽唾膿痰咽喉不利者以甘桔湯清之先咳後喘面腫身熱肺氣盛也以瀉白散乎之嗽而唾痰涎乳者以白餅子下之潔古云嗽而兩脇痛者屬肝經用小

柴胡湯咳而嘔苦水者屬膽經用黃芩半夏生薑湯  
咳而喉中如梗者屬心經用甘桔湯咳而失氣者屬  
小腸用芍藥甘草湯咳而右脇痛者屬脾經用升麻  
湯咳而嘔長蟲者屬胃經用烏梅丸咳而喘息吐血  
者屬肺經用麻黃湯咳而遺尿者屬大腸用赤石脂  
湯咳而腰背痛甚則咳涎者屬腎經用麻黃附子細  
辛湯咳而遺尿者屬膀胱用茯苓甘草湯咳而腹滿  
不欲食面腫氣逆者屬三焦用異功散若咳嗽流涕  
外邪傷肺也先用參蘇飲喘嗽面赤心火刑肺也用  
人參乎肺散及六味地黃丸嗽而吐青綠水肝木乘



脾也用異功散加柴胡枳梗嗽而吐痰乳脾肺氣傷也  
也用六君子加桔梗若嗽唾膿痰者熱蘊於肺而成  
肺癰也用桔梗湯凡風邪外傷法當表散而實腠理  
其用下藥非邪傳於內及胃有實熱者不宜輕用面  
色白脉短濇者肺之本症也易治面色赤脉洪數者  
火刑金也難治

治驗

一小兒潮熱煩渴大便乾實氣促咳嗽右顛色赤  
此肺與大腸有熱用柴胡飲子一服諸症頓退後  
又發搐咬牙煩悶此肝脾氣血虛也用四君芎歸

釣藤鈎而愈

一小兒咳嗽惡心鼻塞流涕有鱗青白此脾肺氣  
虛而外邪所乘也先用惺惺散咳嗽頓愈但飲食  
不思手足指冷此外邪雖去而元氣尚虛也當調  
補脾土而生肺金遂用六君子膠治之而愈大凡  
外邪所侵而痰涎雍塞者宜表散之外邪既去而  
喘嗽未愈或更氣促肺氣虛也屬形病俱虛須用  
六君子之類調補脾土以生肺金為善設逕補肺  
氣則反益其邪况肺乃脆嫩之藏而司腠理以脾  
為母若腠理不密風邪外侵蘊結於肺而變咳嗽

諸症乃形氣不足病氣有餘也最難調理設或嘔吐傷其胃氣汗下損其津液必變肺痿肺癰

吳江史萬言子六歲感冒咳嗽發散過度喘促不食痰中有血用桔梗湯而愈後因元氣未復清氣不升大便似痢或用五淋散黃連枳實之類痰喘目割四肢抽搐變慢風而歿

一 小兒傷風咳嗽發熱服解表之劑加喘促出汗余謂脾肺氣虛欲用補中益氣湯加五味子補之不信乃自服二陳桑皮枳殼而發搐痰湧余仍用前藥加釣藤鉤而痊

一 小兒有哮喘病其母遇勞即發兒飲其乳亦嗽用  
六君桔梗桑皮杏仁治之母于並愈

一 小兒傷食發熱抽搐嘔吐喘嗽屬脾肺氣虛有  
熱用六君炒黑黃連山梔而愈

一 小兒咳嗽因乳母素食膏粱炙烤所致用清胃  
散而愈後其母因怒咳嗽脇痛其子亦然母服小  
柴胡湯子亦隨愈

吳江史萬洲子傷風咳嗽或用散表化痰之藥反  
加痰盛腹脹面色眇白予謂脾肺氣虛也用六君  
桔梗一劑頓愈三日後仍嗽鼻流清涕此復感於

風寒也仍用前藥加桑皮杏仁而愈

一小兒發熱咳嗽右顙赤色此肺金有熱用瀉白

散而愈次日重感風邪前症復作聲重流涕用參

蘇飲加杏仁桑皮而愈但右顙與額微赤此心火

乘肺也用人參平肺散一劑遂痊

一小兒咳嗽發熱右臉赤色作渴煩悶倦怠少食

肚腹作脹此風邪傷肺飲食傷脾先用六君桔梗

杏仁柴胡一劑諸症少愈後去杏仁柴胡又一劑

而安

一小兒發熱右臉赤咳嗽痰盛余謂風邪蘊結於

肺而痰作也用二陳加桑皮杏仁桔梗治之將愈  
自用發散降火之劑風痰不退發熱益甚余曰此  
脾肺俱虛也用五味異功散加桔梗四劑漸愈又  
用六君子湯而愈

一小兒三歲痰涎上湧氣喘胸滿大便不實睡而  
露睛手足指冷此屬形病俱虛也用六君子桔梗一  
劑諸症稍緩至四劑將愈復傷風寒前症仍作又  
以前藥加紫蘇杏仁桑皮而安

一小兒傷風咳嗽痰盛雜用化痰等藥寒熱益甚  
面色或青或赤此風熱相搏也用牛黃清心丸一

服又六君枯槁二服而痊

麥煎散治夾驚傷寒吐逆壯熱表裏不解氣粗喘急  
面赤自汗或狂語驚叫或不語自汗及治癰疹搔  
痒往來潮熱或時行痲痘餘毒未盡痰涎咳嗽或  
變驚風手足搐搦眼目上視或傷風頭疼並宜服  
之

滑石

地骨皮

赤芍藥

石膏

白茯苓

杏仁

人參

知母

甘草

葶藶子

炒各半兩

麻黃

去節一兩半

小麥

五十六粒

右爲木每服一錢麥子煎湯調下若久嗽傳於五臟或嘔痰涎或厥冷驚悸甚則日晡腫黑白睛色赤用生地黄黑豆濕研或膏掩日晡土服麥煎散久嗽成癩服散癩之藥

小青龍湯治傷寒表不解惡寒體熱心下停水乾嘔咳嗽喘急或肺脹胸滿鼻塞清涕愛逆氣喘仲景所謂表不解心下有水氣乾嘔發熱而咳或渴或壅或小便不利或小腹脹滿此湯主之

麻黃

赤芍藥

半夏

湯泡各七錢

細辛

乾薑

甘草

炙



桂枝 各三錢

五味子 半一兩

右每服二錢水煎

理中湯治脾胃虛寒胸膈痞滿或心腹疼痛痰逆嘔吐飲食減少氣短羸困或霍亂吐利手足厥冷不喜飲水者

人參

白朮

乾薑

炮各等分

甘草 半炒減

右每服三錢水煎熱服或研末白湯調下

惺惺散治外感風寒鼻塞痰嗽發熱

桔梗

細辛

人參

白木

甘草

瓜蒌根

白茯苓

右為末每服二錢入薄荷五葉水煎服

參蘇飲治感冒發熱頭疼傷風咳嗽傷寒嘔吐胸膈

不袪痰飲凝結

紫蘇

前胡

陳皮

半夏

炮七次

乾葛

茯苓

枳殼

炒

桔梗

各二錢

甘草

一錢

人參

二錢

右為末每服一二錢薑棗水煎服

保肺湯治肺胃受風熱痰盛欬喘吐不止及治久  
嗽不愈

山藥

白茯苓

紫蘇葉各一錢

白僵蠶

去絲嘴炒二錢

藿香五分

百部六分

黃芩

防風

杏仁去皮尖麩炒各一錢

百合五分

五味子一錢

桔梗一錢

右水煎食後服

天麻防風丸治驚風咳嗽身體壯熱多睡驚悸手足  
抽掣精神昏憤痰涎不利及風邪溫熱

天麻

防風

人參

辰砂

雄黃

麝香

甘草

炙各二錢半

全蝎

炒

僵蚕

各半兩炒

牛黃

一方有膽南星無麝香

右爲末煉蜜丸桐子大每服一二九薄荷湯下

麻黃湯治太惕症頭疼發熱身頭惡風無汗喘滿脉

浮緊入九日不解當發汗汗已煩悶瞑目者必衄

衄乃解所以然者陽氣重故也

甘草

半兩

麻黃

去節一兩半

桂枝

一兩

杏仁

去皮三十五個

右每服三錢水煎

柴胡石膏湯治時行瘟疫壯熱惡風頭疼體疼鼻塞  
心胸煩滿寒熱往來咳嗽涕唾稠粘

桑白皮

黃芩 各三錢

升麻 一錢半

石膏

前胡

赤芍藥

乾葛

柴胡 各五錢

荆芥穗 三錢

右為末每服一二錢薑二片淡豉十粒水煎

厚朴丸治脾熱薰肺或傷風咳嗽面赤痰盛身熱喘

併

葶藶子 隔紙畧炒

防已

黑牽牛 畧炒

杏仁 去皮尖雙仁麩炒搗膏一兩

右爲末研入杏膏拌勻取蒸棗肉搗和丸麻子大  
每服五七丸淡薑湯下量兒加減

黃芩半夏生薑湯治膽腑欬嘔苦水若膽汁

黃芩

生薑

甘草

芍藥各六分

大棗二個

半夏一錢五分

右水煎服

甘桔湯治心臟咳而喉中如煙狀甚則咽腫喉痛

粉草一錢

苦楝一錢

右水煎食後服

芍藥甘草湯治小腸腑欬欬而生氣

芍藥

甘草 炙各一斤

右水煎服

升麻湯治脾臟咳而右脇下痛引肩背甚則不

可以動動則欬涎 方見傷寒

烏梅丸治胃脘咳而嘔嘔甚則長蟲出

烏梅 三斤

細辛

附子 製

桂枝

人參

黃柏 各六斤

乾薑 一斤

黃連 一斤

當歸

蜀椒 各四斤

右為末用酒浸烏梅一宿去核蒸之與米飯搗和

丸桐子大每服十九白湯下

赤石脂禹餘糧湯治大腸咳而遺屎

赤石脂

禹餘糧

各二兩  
並打碎

右每服二錢水煎

麻黃附子細辛湯治腎臟咳則腰背相引而痛其  
則咳涎又治寒邪犯齒致腦齒痛宜急用之緩則  
不救

麻黃

細辛

各二兩

附子

一兩

右每服一錢水煎

茯苓甘草湯治膀胱咳而遺溺



茯苓 二錢

桂枝 二錢

生

上大

右每服二錢水煎

牛黃清心丸 方見急驚

瀉白散 方見肺臟

二陳湯 方見吐噎

補中益氣湯 方見虛羸

小柴胡湯 方見瘧症

桔梗湯 方見肺癆

四君子湯

六君子湯

清胃散

異功散

四方並見內鈔

地黃丸

方見腎臍

五苓散

方見五淋

人參平肺散

方見夜啼

白餅子

方見發搐

百啞內嗽

百啞內嗽者名乳嗽甚難調理當審其虛實若氣粗痰盛口瘡眼熱先用比金丸嘔吐驚悸困倦白汗用補肺散驚嗽用琥珀散乳嗽用天麻丸若脾胃內熱

用抱龍丸風邪外感者用惺惺散痰熱既去而氣粗  
痰盛或流涎者脾肺氣虛也用異功散加桔梗口瘡  
眼熱大便堅實者用三黃丸大便不實者用白朮散  
若嘔吐不乳困倦自汗或自利腹脹者脾胃氣虛也  
用六君子加柴胡若驚悸困倦痰盛不乳者心脾血  
虛也四君子加芩歸酸棗仁或因乳母食五辛厚味  
致兒爲患者仍泰喘嗽諸症

治驗

小兒外感風邪服表散之劑汗出作喘此邪氣  
去而脾肺虛也用異功散而汗喘止再劑而乳食

進

一 小兒咳嗽服抱龍丸反吐瀉不乳腹脹發熱用  
六君子湯母子並服而痊後因母飲酒仍嗽用清  
胃散加麩藥母服而子亦愈

一 小兒患嗽或用清痰等藥反吐乳發熱搐搦腹  
脹此脾胃復傷而內虛熱也用吳功散加釣藤釣  
漸愈又用前藥加當歸而安

一 小兒患咳嗽服牛黃清心丸加喘促腹脹此脾  
肺氣虛也用六君子湯填愈

補肺散

一名何膠散

治肺虛惡心喘急久患咳嗽有痰

阿膠一兩半炒

鼠粘子炒

馬兜鈴各十兩

杏仁七粒

糯米二兩

甘草三分

右每服一錢水煎服

天麻丸治未滿百晬咳嗽不止

天麻

蟬蛻

白僵蠶炒

人參

川芎

甘草

辰砂

天竺黃各一錢

牛膽南星各一錢

白附子

砒

雄黃各一錢

金箔五片

鵬砂五分

右為末蜜丸芡實大金箔為衣每服一丸用薄荷

湯下

愚按前方乃金石大毒之劑不可輕用况百晬小兒多是乳母飲食厚味或母有肺病傳兒皆一婦人服截瘡丹內有砒者兒飲其乳良久于母昏愒遍身發赤翌日方甦又一婦人亦服前藥其子吐瀉大作大人尚不能勝况小兒乎凡服砒石之藥中毒遍身發赤昏曠或吐瀉者急灌醋碗許即甦小兒數滴足矣

琥珀散治急慢驚風涎潮昏冒目瞪驚搐內釣腹痛或驚癇時發

辰砂半錢

琥珀

牛黃

僵蠶炒去絲此角

牛膽南星

全蝎

白附子

代赭石

天麻

乳香

蟬殼各錢

右為末每服一二分白湯調下

黃芩清肺飲治肺燥而小便不通

黃芩一錢

梔子一箇打破

右水煎服不利加鹽豉二十粒

異功散

四君子湯

大君子湯

清胃散 四方見內鈔

白朮散 方見積疝

比金丸 方見驚癩

三黃丸 方見瘰癧

惺惺散 方見咳嗽

抱龍丸 方見傷寒

牛黃清心丸 方見急驚

作喘

喘急之症有因暴驚觸心者有因寒邪壅盛者有因



風邪外客者有因食鹹酸痰滯者有因膏粱積熱薰  
烝清道者然喘與氣急有輕重之別喘則欲言不能  
隘於胸臆氣急但息短心神迷悶耳治法因驚者用  
雄朱化痰定喘丸佐以天麻定喘飲寒傷肺氣者用  
小青龍湯風邪傷肺者用三拗湯加減之食醜酸傷  
肺者啗以生豆腐熱傷肺氣者當涼肺定喘哮喘喉  
聲如鋸者梅花飲蕪用半夏丸前症多因脾肺氣虛  
腠理不密外邪所乘真氣虛而邪氣實者爲多若已  
發則散邪爲主未發則補脾爲主設槩攻其邪則損  
其氣逕補其肺則益其邪凡喘嗽之症若小便不利

則必生脹脹則必生喘要分標本先後先喘而後脹  
有主於肺先脹而後喘者主於脾蓋肺金司降外主  
皮毛肺朝百脉通調水道下輸膀胱肺既受邪則失  
降下之令故小便漸短致水溢皮膚而生脹滿此則  
喘爲本而脹爲標也治當清金降火爲主而行水次  
之脾土惡濕而主肌肉土能尅水若脾土受傷不能  
制水則水濕妄行浸漬肌肉水既上溢則邪反侵肺  
氣不能降而生喘矣此則脹爲本而喘爲標也治當  
實脾行水爲主而清金次之苟肺症而用燥脾之藥  
則金燥而喘愈甚脾病而用清金之藥則脾寒而脹

益增觀其症若中氣虛弱者用六君子湯中氣虛寒者前方加炮薑鬱結氣滯者用歸脾湯加柴胡山梔肝木尅脾土者用六君柴胡山梔肺氣壅滯者用紫蘇飲加白木食鬱壅滯者用養胃湯加木香肺中伏熱水不能生而喘者用黃芩清肺飲及五淋散脾肺虛弱不能通調水道者用補中益氣湯及六味丸膏梁厚味脾肺積熱而喘者用清胃散及滋腎丸心火刑金不能生水者用人參平肺散亦用滋腎丸腎水虧虛火鍊金小便不利者用六味丸及補中益氣湯肝木乘脾不能相制而喘者用六君柴胡升麻脾胃

虛寒臍凸腹脹者用八味地黃丸脾腎虛寒不能攝  
水如蠱脹者用加減腎氣丸凡虧損是三陰而致喘  
脹或二便不調及牽引作痛者俱用六味八味加減  
腎氣等丸治之仍本傷風咳嗽症

治驗

一小兒嘔吐發熱胸痞脇痛作喘發搐因乳母恚  
怒毋服加味逍遙散子服異功散加釣藤鈎山梔  
並愈

一小兒痰喘鼻寒用惺惺散而愈後因傷乳服消  
導之劑痰喘腹脹益甚余謂脾虛不能生肺而痰

喘脾氣不能運化而腹脹用異功散而痊

一 小兒患喘服發汗之劑汗不出而喘益甚用異功散頓愈又用六君子湯而全愈後復痰喘服下痰丸前症愈甚更腹脹作嘔此脾肺復傷也再用異功散而漸愈半載後患喘嗽面赤此心火尅肺金用人參平肺散及六味地黃丸而痊

一 小兒傷風喘急不能卧服參蘇飲之類不痊余用小青龍湯一劑而愈後復感寒嗽喘尤甚服發表之藥手足並冷腹脹少食余謂脾肺俱虛也用六君子加桔梗杏仁而愈

一小兒患喘面赤服牛黃清心丸面色眊白手足  
不熱余謂脾胃復傷用六君子湯不半杯而愈又  
傷風寒而喘面色仍白用五味異功散加桔梗生  
薑治之頓安

一小兒七歲患前症久不愈或用下痰等藥連瀉  
數次飲食不入手足並冷喘急不得卧先用六君  
薑桂益甚用人參五錢附子一錢二劑少緩又二  
劑十減三四乃用獨參將愈却用四君子而瘥

雄朱化痰定喘丸治因驚發喘逆觸心肺暴急張口

虛煩神困

雄黃

硃砂各一錢研

蟬蛻

全蝎少許

白僵蠶

天南星

白附子

炮各二錢

輕粉五分

右為末糊丸麻子大每服數丸茶清送下

梅花飲治五臟積熱喉中有痰面色赤白鼻流清涕氣逆喘急目赤咳嗽或因驚夜啼

硼砂

馬牙硝

片腦

人參各一兩

甘草五錢

芒硝

辰砂

麝香各一錢

右各另為末磁器收貯每服半匙麥門冬湯調服

氣急喘嗽桑白皮湯下常服薄荷湯下

天麻定喘飲治喘嗽驚風

天麻

防風

羌活

甘草炒

人參

桔梗

白朮

川芎

半夏

各等分

右每服二錢水煎服

三拗湯治感冒風邪鼻塞聲重語音不出取宜陽風寒

頭疼目眩四肢拘倦咳嗽多痰胸滿氣短

麻黃不去節

杏仁不去皮尖

甘草

生用各等分

右每服二三錢薑水煎服



半夏丸治肺氣不調咳嗽喘滿痰涎壅塞心下堅滿  
及風痰嘔吐惡心涕唾稠粘

白礬一兩  
半焙

半夏二兩湯泡七次  
薑汁製一宿

右爲末生薑自然汁丸赤豆大每服十九薑湯下  
紫蘇飲子治肺受風寒喘熱痰嗽

紫蘇葉

桑白皮

青皮

五味子

杏仁

麻黃

甘草灸

陳皮焙

人參

半夏各三  
分

右薑三片水煎溫服

小青龍湯

惺惺散 二方見咳嗽

異功散

清胃散

六君子湯

加味逍遙散

歸脾湯 五方見內創

人參平肺散 方見夜瀉

平胃散 方見胃氣虛冷

八味丸 即六味丸加肉桂  
五味子 方見腎臟

牛黃清心丸 方見急驚

養胃湯 方見瘡症

黃芩清肺散 方見百弊內嗽

五淋散 方見五淋

滋腎丸 方見發熱

補中益氣湯 方見虛羸

六味丸 方見腎臟

金匱加減腎氣丸 方見腹脹

黃疸

經曰中央黃色入通於脾故黃疸者脾之色也夫八

身之神貴於藏而默用見於外則內虛矣其症皆因  
脾氣有虧運化失職濕熱留於肌膚發而爲疔錢仲  
陽所謂身痛背疆二便澀滯遍身面目爪甲皆黃是  
也小便褐色者難治療法宜固脾爲先如專用尅伐  
寬中澹泄利水之藥則解有不至危者矣若初生及  
百日半年之間不因病而身黃者胃熱胎黃也腹大  
食上爲脾疝兼作渴飲冷者用瀉黃散小便不利者  
茵陳湯病後發黃肢體浮腫者用白朮散清便白調  
收冷嗜卧者益黃散身澹黃白者調中丸及補中益  
氣湯加茵陳身熱膈滿肌膚面目皆黃者加減瀉黃

散辨其所以若閉目壯熱多哭不已大小便赤澀口中熱氣者廼妊娠厚味胎毒之候也母子並服生地黃湯仍忌酒麪五辛熱物設不自慎悞傷脾土急則變爲驚風吐瀉緩則肢體浮腫小便不利眼目障閉多成疳疾矣又有脾虛發黃者當於脾胃中求之

### 治驗

一小兒旬日內先兩目發黃漸及遍身用瀉黃散一服而瘥

一小兒生旬日面目青黃此胃熱胎黃也用瀉黃散乳調服少許即愈後復身黃吐舌仍用前藥而

安

一小兒因乳母食鬱而致飽脹，嘔酸遍身，皆黃。余以越鞠丸治其母，瀉黃散治其子，並愈。

一小兒患前症，服五苓散消食丸之類，其黃不退。作渴飲湯，腹膨少食。余謂胃氣虛，津液少，故喜飲湯，脾氣虛，故腹脹少食也。先用白朮散漸愈，又用補中益氣湯而痊。

一小兒飲食不調，腹脹身黃，小便金色。雜用治疸之劑，作渴飲水。余謂胃氣實熱，先用瀉黃散一劑，其渴頓止。用梔子栝皮湯，其黃亦退。用白朮散而

飲食進

茵陳湯治陽明病發熱汗出者此為熱越不能發黃也但頭汗出至頸而還小便不利渴飲水漿此瘵熱在裡而發黃也或傷寒七八日小便不通腹微滿身黃如橘色者

茵陳蒿

嫩者一兩

大黃

三錢半

梔子

大者三枚

右每服一錢水煎服

犀角散治黃疸一身盡黃

犀角

一兩

茵陳

葛根

升麻

龍膽草

酒炒

甘草

生地黄各半 寒水石三錢

右每服三錢水煎服一方瓜蒌根汁和蜜服

小半夏湯治黃疸小便色不變自利腹滿而喘者不可除熱熱去必噦

半夏湯洗七次

右每服二三錢薑三片水煎服

消食丸治胸膈氣痞乳食不消身後黃者方見嘔吐

茵陳五苓散即五苓散加茵陳每服一錢溫水調下

已三服

導赤散二方見五淋



越鞠丸 方見天鈞

承氣湯

小柴胡湯 二方見痙症

調中丸 即理中丸方見冷瀉

平胃散 方見脾胃虛冷

皮君子丸 方見蛇蟲

益黃散 方見脾臟

地黃湯 即濟生地黃湯

白朮散 方見積帶

四味肥兒丸 方見嘔吐

瀉黃散

方見脾臟

嘔吐乳

嘔吐皆主脾胃古人謂脾虛則嘔胃虛則吐是也嘔者有聲無物吐者有物無聲也蓋乳哺過飽則胃不能受而溢出噉乳多食睡則脾不能運而作瀉脾胃漸傷疾病纏綿甚至慢驚之患矣若手足指熱喜飲熱湯或睡而露睛皆胃氣虛弱也用異功散若手足指熱飲冷或睡不露睛屬胃經實熱也用瀉黃散若作渴少食或小便色赤胃經虛熱也用七味白朮散大凡嬰兒在乳母尤當節飲食若乳母停食亦能致

兒吐瀉故不可不慎也

治驗

一 小兒傷食嘔吐發熱面赤服消導清熱之劑飲食已消熱赤未退余以爲胃經虛熱用六君升麻柴胡四劑而痊

一 小兒傷食嘔吐服尅伐之藥嘔中見血用清熱涼血反大便下血唇色白而或青余謂脾土虧損肝木所乘令空心服補中益氣湯食遠服異功散使涎血各歸其源果愈

一 小兒吐酸乳食用四君吳萸黃連木香補脾乎

肝而愈後口中有酸水仍用前藥隨愈後吐苦水  
而口亦苦用龍膽湯以清肝火四君子湯以補脾  
土而痊

一小兒吐黃水所食之物悉皆甘味用瀉黃散清  
其胃火而愈後因停食服尅伐之藥口甘不食形  
氣殊弱用補中益氣湯養其中氣而痊

一小兒傷食噁腐用平胃散一服宿滯頓化余云  
不必多藥但節其飲食自愈不信別用尅滯之藥  
更加吐瀉以致不救

一小兒傷食發熱面赤抽搐嘔吐氣喘唾痰此飲

食傷脾肺氣虛弱所致用六君子湯炒黑黃連山  
梔各二分一劑頓愈

消乳丸治嘔吐消乳食脉沉者傷食不化也

香附子 炒

宿砂仁

陳皮 去白

甘草 炙

神麴 炒

麥芽 炒等分

右為末米糊丸黍米大每服二十九薑湯下

又方治百晬內嘔吐乳妳或大便青色用少婦乳汁

一盞入丁香十粒陳皮一錢磁器內煮數沸稍熱

空心以綿毯吮服

楊氏消食丸治乳食過多胃氣不能消化

宿砂

橘皮

三稜

蓬朮

神麴炒

麥芽炒各半兩

香附子炒一兩

右為末麴糊丸麻子大白湯送下量兒加減

局方觀音散治外感風寒內傷脾胃嘔逆吐瀉不進

飲食漸至羸瘦

人參一兩

神麴炒

茯苓

甘草少

木香

綿黃芪

白扁豆

白木各一錢

石蓮肉去心二錢半

右為末每服一錢人藿香三葉棗水煎服

香村散治積冷嘔吐

藿香葉

陳皮

厚朴

薑汁製  
各七錢

半夏

兩湯  
炮七次

甘草

灸一  
錢

右每服三錢薑棗水煎瀉甚加木香肉豆蔻

香薷散治寒溫不適飲食失調或外因風寒暑邪致

吐利心腹疼痛霍亂氣逆發熱頭痛或轉筋拘急

或疼痛嘔噦四肢逆冷

香薷

茯苓

白扁豆

炒

厚朴

薑汁製  
各五錢

右每服二三錢水煎加酒半杯冷服立効

竹茹湯治胃受邪熱心煩喜冷嘔吐不止

葛根 七錢半

半夏 兩半

甘草 錢三

右每服二三錢入竹茹棗許大薑水煎取清汁微冷細細服加茯苓三錢尤妙

蘇合香丸治傳屍骨蒸痿痺疰忤鬼氣卒心痛

霍亂吐痢驚癇客忤等症

蘇合香油 入安息香膏內

薰陸香 另研

龍腦 研

木香

白木

白檀香

丁香

朱砂 研小

沉香

香附子 炒

烏犀屑



畢撥

安息膏

另後未用無  
灰酒作膏

麝香 研

訶黎勒

濃取皮  
各二兩

右爲末 研勻用安息香膏并蜜和丸桐子大并花  
水空心化服一二丸温酒亦得更用臘紙裹彈子  
大一丸緋絹袋盛當心帶之辟一切邪及治胸膈  
噎塞腸中虛鳴宿食不消

青州白丸子治驚風吐乳

天南星 三兩

白附子 一兩

半夏 浸洗  
七兩

川烏頭 去皮臍  
半兩

右用井花水浸晒過次日早晨再換新水春五日

夏三日秋七日冬十日曬乾爲末以糯米粉煎粥  
清爲丸棗豆大薄荷湯調下

瀉黃散

方見脾臟

白朮散

方見積痛

異功散

六君子湯

四君子湯

三方見內鈔

龍膽湯

方見禁風

平胃散

方見脾胃虛冷

補甲益氣湯

方見虛羸

吐舌弄舌

舌屬心脾二經小兒舌微露而即收者名弄言此屬  
心脾虧損用溫胃散補之舌舒長而良久不收者名  
吐舌乃心脾積熱用瀉黃散主之或蕪口舌生瘡作  
渴飲冷屬胃經實熱亦用前散作渴飲熱屬胃經虛  
熱用四君子湯食少作渴或大便不實脾胃虛弱也  
用七味白朮散口角流涎或腮頰患腫胃虛風熱也  
先用人參安胃散次用七味白朮散若午後甚者脾  
血虛也四物多加參朮茯苓未應用補甲益氣湯及  
審五臟相勝若因疳瘦所致當參諸疳門

香五... 治驗... 一 小兒弄舌發搐手指不冷余謂肝脾虛熱用異  
功散加升麻柴胡而愈後傷乳腹脹服尅滯作瀉  
弄舌手指發熱審乳母肝火與小柴胡湯加升麻  
白朮治之母子並愈

一 小兒乳食過多患吐瀉用大劑異功散加柴胡  
升麻母子服之而愈後因驚服至寶丹之類發搐  
弄舌幾至慢驚余用六君子湯加白附子服而愈  
一 小兒吐舌發熱飲冷額鼻黃赤吐舌流涎余謂  
心脾實熱用導赤瀉黃二散而愈後復作別服清

執等藥更弄舌余用異功散加釣藤釣而安又用  
六君子湯全愈

一 小兒七歲食生冷之物腹痛便秘服峻利之劑  
連瀉五次噫氣腹痛余謂心脾虛寒用異功散加  
薑桂木香治之不從反治胃火更加吃逆余仍以  
前藥加附子一片一服諸症頓退仍去附子又三  
劑而愈其時同患是症用清胃化痰者歿而手足  
俱黯

四物湯方見急驚

補中益氣湯方見虛羸

小柴胡湯 方見瘧症

導赤散 方見心臟

瀉黃散

人參安胃散 二方見脾臟

七味白朮散 方見積痛

異功散

六君子湯

四君子湯 三方見天鈞

五苓散 方見五淋

保嬰撮要卷之六